



9. august 2013  
11. februar 2014

UKA 2013/66

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Angajoqqaat meeqqaminnik arsaagaasimasut angusassamik toraagaqarluni suliniarfigineqarnissaannut siunnersuusioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Angusassamik toraagaqarluni suliniarnermi siunertarineqassaaq 2014-imi upernaanerani ataatsimiinnissami, angajoqqaat meeqqaminnik arsaagaasimasut angajoqqaatut isumassuisinnaanikkullu nukittorsarneqarnissaat, taamaasillutik meeqqat angajoqqaaminnut angerlaqqissinnaaqullugit.**

(Inatsisartunut ilaasortaq Andreas Uldum, Demokraterne)

#### **Tungavilersuut:**

Meeqqanik inuusuttunillu angerlarsimaffiup avataanut inissiissarneq pillugu misissuineq 1994-mi saqqummiunneqarpoq, tassani takutinneqarpoq meeqqat 0-niik 17-nut ukiullit 4,3 procentii 1992-mi angerlarsimaffiup avataanut inissinneqarsimasut. 2006-mi kisitsit taanna annertuseriarpoq, meeqqat inuusuttullu 6 procentiisa missaat angerlarsimaffiup avataanut inissinneqarsimmata.

Akilerartarneq Tungiuinerlu pillugit isumalioqatigiisitat nalunaarutaanni naqissuserneqarpoq, meeqqat isorliunerusuni nunaqarfinnilu inuusut, sualummik Avannaani Tunumilu, ulorianartorsiornerusartut meeqqanut illoqarfinni annerni najugaqartunut naleqqiullugit taamaattumik pisariaqarpoq annertuumik suliarniarqarnissaa, sumiiffinni meeraannaanngitsut aammali ilaqtariit atugai pitsanngorsarniarlugit. Tamanna Naalakkersuisut Kommunillu pinaveersaartitsinermt allatigullu suliniuteqarnermt atatillugu nakkutiginerusariaqarpaat.

Demokraatini siunnersuuteqarnitsigut paasivarput nunami maani sumiiffiit ilaannit ilaqtariit atugaannik pitsanngorsaaniarneq taakkulu meeqqaminnik isumaginnillaqqissinerunissaat pillugu inuunerinnik naleqarnerulersitsiniarneq iluatsissimannngitsut. Tamanna ajuusaarnaqaaq. Taamaattumik immikkut suliniuteqarnissaq pisariaqarpoq.

Siunnersuummi siunertaraarput angajoqqaat meeqqaminnik arsaagaasimasut pillugit suliniarnissamat pilersaarummik saqqummiussisoqassasoq, Demokraatini innersuussutigissavarput, suliniutissat pillugit pilersarusiorneq kommunit suleqatigilluinnarlugit ingerlanneqartariaqarmat.



Demokraatini aamma piumasarissavarput suliniutissat pillugit pilersaarut kingusinnerpaamik ukioq qaangiuppat nalilersorneqassammat, paasiniarlugu anguniakkat qanoq angulertorneqarsimatiginersut. Suliniutissanut pilersaarut naleqqussartariaqarpat, nukittorsartariaqarpat, Demokraatini piumassuseqarluarpugut suleqataanissatsinnut.

**Pisortanut aningaasaqarnikkut allaffissornikkullu kingunissai.**

Suliniutissat pillugit pilersaarusiorneq pisortanut aningaasaqarnikkut allaffissornikkullu kinguneqassaaq. Naatsorsuutigineqanngilarli aningaasartuutit ukiumoortumik AC-mut aningaasartuutaasartut sinnerumaarai. Aningaasat Ilaqutariinnermut Naalackersuisoqarfiup maannakkut missingersuutaanni nassaarineqassapput, Demokraatinili piareersimavugut politikikkut isumaqatigiinniarnissamut aningaasat pisariaqartinneqartut pissarsiariniarlugit. Immikkut suliniuteqarneq iluatsissappat pisortat angerlarsimaffiup avataanut inissiisarnerat annertuumik sipaarfigineqassaaq.

**Namminersorlutik inuussutissarsiortunut aningaasaqarnikkut allaffissornikkullu kingunissai.**

Namminersorlutik inuussutissarsiortunut aningaasaqarnikkut allaffissornikkullu kinguneqassanngilaq.

**Innuttaasunut aningaasaqarnikkut allaffissornikkullu kingunissai.**

Innuttaasunut aningaasaqarnikkut allaffissornikkullu kinguneqassanngilaq.